



Broj : 01-2-455/6-24
Sarajevo, 22.05.2024.godine

Na osnovu čl. 111. Statuta Univerziteta u Sarajevu, Nastavno-umjetničko vijeće Univerziteta u Sarajevu - Muzičke akademije na 14. sjednici održanoj dana 22.05.2024. godine donijelo je

ODLUKU

I

Usvaja se dokument Politika kvaliteta Univerziteta u Sarajevu- Muzičke akademije.

II

Dokument iz tačke I se nalazi u prilogu ove Odluke i čini njen sastavni dio.

III

Odluka stupa na snagu danom donošenja..

DEKAN:

Prof. mr. Ališer Sijarić

Dostaviti:

1. Sekretar
2. Odbor za kvalitet
3. Univerzitet
4. Oglasna ploča
5. Evidencija
6. A/a

Politika kvaliteta Univerziteta u Sarajevu – Muzičke akademije

Muzička akademija (u daljem tekstu: Akademija) najveća je i najstarija muzička ustanova u Bosni i Hercegovini. Akademija je danas središnje mjesto njegovanja visokih umjetničkih vrijednosti i vrhunskog nastavnčkog kadra, koja utječe na formiranje muzičkog javnog mnijenja i stvaranje estetskih standarda u muzičkoj i općoj kulturi Bosne i Hercegovine.

Politika kvaliteta Akademije predstavlja materijalni odraz misije, vizije i strategije Akademije i sastavni je dio njene organizacije i redovnog funkcionisanja. Osiguranje kvaliteta je trajan proces integriran u sve njene dijelove, a u skladu je s politikom kvaliteta Univerziteta u Sarajevu.

Akademija nastoji zadovoljiti očekivanja i zahtjeve studenata kroz kontinuirano unaprjeđenje kvaliteta svojih usluga. Cilj Akademije je osigurati zadovoljstvo svih uposlenika kroz pružanje mogućnosti usavršavanja i napredovanja, osiguranje uslova za permanentnu samoevaluaciju sa ciljem kontinuiranog poboljšanja. Studenti i zaposlenici imaju pravo i dužnost da realiziraju politiku kvaliteta koja je utemeljena na prepoznavanju i vrednovanju njihovih raznovrsnih doprinosa.

Temeljna načela realizacije politike kvaliteta na Akademiji su:

- Izgradnja sistema osiguranja kvaliteta zasnovanim na međunarodnim, evropskim i nacionalnim standardima kvaliteta u visokom obrazovanju.
- Stvaranje pozitivnog okruženja za promicanje kulture kvaliteta na Akademiji, stalna ulaganja u razvoj i unaprjeđenje nastavnog procesa i naučno/umjetničko-istraživačkog rada, te pružanje podrške profesionalnim vrijednostima i prijenosu znanja.
- Težnja ka internacionalizaciji Akademije kroz aktivnosti eksterne evaluacije, učešća u internacionalnim projektima, te aktivnostima vezanim za mobilnost nastavnika i studenata.
- Uspostavljanje mjera koje će potaknuti zaposlenike, studente i alumnije Akademije da se osjete dijelom snažne akademske zajednice i poticanje istih da vlastitim idejama doprinesu unapređenju kvaliteta Akademije. To podrazumijeva uspješnu saradnju s vanjskim čimbenicima osiguranja kvalitete (partnerske i srodne institucije, udruženja na lokalnom i nacionalnom nivou, nadležno ministarstvo), s ciljem inoviranja umjetničke, naučno-istraživačke, obrazovne i pedagoške prakse.
- Preuzimanje lične odgovornosti svih učesnika za proaktivno napredovanje, praćenje potreba akademske zajednice, odgovaranje zahtjevima razvoja naučno/umjetničko-istraživačkog i obrazovnog područja, te težnja ka internacionalnim kriterijima akademske izvrsnosti uz javnu prezentaciju i dostupnu komunikaciju svih vidova postignuća (društvene mreže i web-stranica Akademije).

Pitanje kvalitete na Akademiji je tema o kojoj se razmišlja, koja se teorijski definira i praktično rješava. Politika kvalitete u skladu je s načelima javnog interesa, promicanja kulture kvalitete, poticanja izvrsnosti, transparentnosti, odgovornosti i suradnje, a s njom su upoznati svi uposlenici Muzičke akademije.

DEKAN:

Red. prof. mr. Ališer Sijarić

22. 05. 2024.


